

後村集卷之三十五

啟 丙辰生日回啟

黃教授龍應

冠挂神武門已過陶公之羊事擅寒廣文館許同鄭
老之襟期惠貺長謠寵光晚節恭惟某官沉酣六藝
貫穿百家獻元和聖德詩可編之詩書而無愧作大
曆中興頌非老於文學其誰宜雖云校官廼客諸侯
奈何宰相輒失此士無衮衮登臺省之羨有恂居
鄉黨之風言念衰遲素同臭味昔叨襮直不能鼓天
上之風雷今已放歸尚且親夜深之螢雪游戲呼香

山之兄文章聯尾洛社之耆英分以殘膏欲其眉壽
其朗吟無教虛受有慙抑亡威儀豈曰武公之善謹
兢亡臨履敢云夫子之繼心聊課空疎少爾繾綣

潘使君

急景凋年杼心自慨高山流水蓄耳未聞來於塗岵
之堂華以戴白之叟恭惟某官學到聖處心與天通
佩服保赤子之言奉行問高年之詔特貽古調加惠
陳人假借之語過情幼眇之音叶律某素慳藻思莫
報珍投七十希年謾悲歌於杜老萬八千歲敬善頌
於魯侯

林直院

漆園傲吏自嗟槁項黃馘之餘金鑿謫仙特枉錦心
繡腸之作頽齡寵甚高誼凜然恭惟某官世之文豪
天之奎宿尚方所給之札揮翰如飛人間未見之書
然藜盡讀不由介紹結知人主皆謂才名占得翰林
心慕鯁直之火丰面斤乳臭之小相幾年湖嶠流落
鬢毛已蒼在處江山護持筆力愈健尚記登瀛之侶
今為嵩壑之人俸無一囊年已七秩憐其居窮處約
忽烹鯉而有書知其合族交賓為買羊而沽酒以至
援元祐之一老及祥符之三賢皆非亡殘所可倫擬

數元和學士公行居五相之中圖洛陽耆英僕儻在
九老之末第慙醜質不稱好辭某朗誦以還閣投是
愧了無生意等枯枿之逢春竊喜殘年如長庚之配
月

徐監簿

蓬矢以射四方負壯心而永慨朱絃之音一唱驚俚
耳之未聞藻思過褒蒼顏改觀恭惟某官氣沮金石
筆驅風霆不哀已於諸公廼頌已於國學以史官榮
韓愈孰云宰相之知將科第放劉蕡大觸貴人之怒
棄榮官如糞土重交友如天倫援引過江之二賢寵
嘉窮谷之一叟某虛蒙湔被自覺摧頽七十古來稀
久相傳於斯語百年渾是醉敢不舉於君觴

吳郎中

老夫無能為忽焉耄矣鄉人之善者惠然好之拊初
度而失驚聞片言以自壯恭惟某官人之麟鳳學者
斗山負當代少雙之才居大廷第一之選封平津拜
丞相彼哉公孫之阿諛相江都徙膠西甚矣董生之
廉直力行古道尤篤故交興懷淳熙之遺民曾是貞
元之朝士烹鯉而得有素書之甚勤籠鵝而歸無黃
庭之可換高情鄭重暮蔭光華某稽首登嘉堆懷銘

惠七十欲不踰矩矱永佩於聖言五年以長比肩烏
敢當於兄事

葉寺丞

七十古來稀已踐暮遲之境一篇三致意喜聞倡歎
之音獎借過情衰陳增氣恭惟某官臨風玉樹承露
金莖素負大曆才子之名嘗在貞元朝士之列沉酣
古製可追芝房寶鼎之歌游戲新腔不減花間香奩
之作念病翁之晚景借貧女之隙光某心愧暗投誼
難虛受癡年偶長獲接洛英之游俚耳微聾徒聽郢
人之曲

卓常簿

疑絳老之年迫茲暮景願周郎之曲貽我好音之作
擅場陳人改觀恭惟某官空臆奉龍墀之大對摘髭
板蟾窟之高枝甫端委而立朝俄拂衣而去國一時
典冊捨燕公大手筆其誰餘事詞章非秦郎小石調
之比念其衰颯沾以賸殘某第謹寶藏莫爾珍貺奏
清平調逸才無出於謫仙吟豁達詩晚節自儆於
孝老

趙監簿

鍾鳴漏盡莫逃夜行之譏玉白花紅忽聽春風之唱

嘒枯語妙念舊情深恭惟某官才在唐諸王孫之間
名占漢甲科郎之上深藏此手大放厥辭擊拊天球
廟瑟之音琅々應節游戲玉臺香奩之體疊々逼真
綵筆褒嘉華顛光寵某蟬嘶久廢貂續未遑太白非
飲中仙行召見沉香亭之北老僊免柱下史遂徑出
函谷關而西庶及餘生獲觀盛事

李國正

老態催人歎星々攬鏡之髮高情念舊贈累々貫珠
之歌加惠陳人遂成故事恭惟某官天之奎宿人之
謫仙不翕々於貴權充卷々於交友昌黎先生韓愈
縲為拜東野之恭魯國男子孔融獨有雪孝章之語
念累臣之歲晏拔詞客之春華某珍誦以還襲藏惟
謹譬如廟瑟尚遺疏越之音不善洞簫安取倚歌而
和所為推謝未易措詞

趙寺丞

視伯始猶糞土爾奚羨父生賢庚桑而俎豆之姑從
衆論猥叨厚享良覺醜顏雖未御卜商之琴然亦灑
郇公之翰高情敬故侈費傷廉見老人使之年深憫
泥塗之辱謂鄉曲莫如薩寧拘爵德之尊愧之湘纍
之才可答洛英之意

高教授

人稀七十者自感顏齡詩有六義烏猥形善頌清新
無敵衰晚增光伏惟某官場屋盛名辟雍前輩每存
古意采西銘尊高年之言加惠陳人當離騷揆初度
之日發舒麗藻華飾朽株某自顧摧頹詎堪提獎體
兼風雅異於高叟之為景迫崦嵫甚矣劉郎之老

林知錄

希年七十慙老子之婆娑秋月兩章歎參軍之俊逸
瓊琚無價孤矢有光恭惟某官富於天才輔以家學
片言雪柱幾令園土之空三語造微遂破公車之白

不惜賸殘之膏馥俾華晬晚之光陰某久廢啜吟莫
能貂續貴介公子肯分古錦囊之餘阿堵貧兒安得
明月珠之報

陳司理仙遊黃尉

禿翁耄及髮種々以奚為幼婦詞工歌疊々而不絕
新美無度衰遲有光恭惟某官周之譽髦漢之墨客
源流古意如聞廟瑟之遺籟括新腔欲出香奩之上
所慙老病詎稱寵嘉贈我錯刀曾莫效張平子之報
借君拍板奉陪唱傳大士之經

諸士友詩

癡年垂老吾生也有涯綺語嚙枯永歎之不足發舒
藻思焜耀華藻恭惟某人游戲千篇包涵六義動關
風化孔氏所不能刪生後古人河汾以為可續尚念
陳人之衰朽肯分騷客之弃餘奏朱絃瑟綠綺琴誰
歟和者乏明月珠青玉案何以報之

諸士友詞

湘纍歲晏方此行吟鄂客調高為之奏曲雅情攸寓
俚耳未聞恭惟某人擅黃絹之辭續朱絃之倡遭逢
文治不為楚狂之鳳歌游戲詩餘且異江公之狗曲
發舒妙思光飾希年吹二客洞簫安得坡公之兩賦

倚三郎玉笛可無太白之五章率然奉調甚矣不敏

方聽蛙

圖洛社之耆英歸然德蔭歌坡公之水調流出胸襟
妙語嚙枯交情耐久恭惟某人襟期曠達筆力雄渾
張公九尺之鬚眉一生不屈杜陵萬丈之光焰群兒
肯知雖輩行之在前每友朋之加厚新腔一出衆口
皆傳小羊不及大羊豈並行之敢借合樂何如古樂
况雅倡之難覓

林貢士逢丁

孤矢四方之志漢澆滂壯圖鼓吹六經之文光華晚節

不辭而受何德以堪恭惟某人擲地殷清凌雲氣逸
入明光叫閭闔孰敢爭鋒遊雲夢登陽臺衆推授簡
方將攀月中最高之桂尚且憐道傍無用之樗假以
毫端欲其眉壽免冠而挂神武已決引羊楮笏而誦
阿房溪慙無力

丁巳生日回啟

宋守監丞

居士似唐白叟寫衰顏於香山太守如蜀文翁被雅
歌於樂府光華暮景聳動傍觀恭惟某官華宗開府
鐵石之腸先朝景文筆削之手循良之最今者所無

韋侯之香甚清陳蕃之榻常下士無閉門踰牆而避
農有負來受廬而來加禮任棠莫効忠於薤水興憐
絳老不忍辱諸泥塗擁熊軾而臨門駭驪珠之出袖
不止叶咸池之律真可回寒谷之春某雖甚龍鍾不
勝爵躍還遂良之笏已決退休聞伯牙之絃徒甚感
慨

林侍郎

繪洛社耆英之圖鄉盟素篤第甘泉從臣之頌筆力
獨高官羽均調桑蓬光寵恭惟某官子美之書萬卷
敬輿之奏百篇為諫官御史以來羊祜尤峻於君子

小人之際哀斧甚嚴名勝屬心愴壬辰目風霜之威
暫霽月旦之評共推閭絳縣老之年雖慙晚出尋烏
石崗之踞聊喜同游贈之好歌申以善頌某熏玉珽
而捧玩加緹襲而珪藏我慕史儋闕吏送車牛之去
公如君實都人迎童馬之來勉課蕪詞少鼎藻思

見任官

僕挂門孤自嘆暮遲之景公絃廟琴忽貽幼眇之音
華皓生光空踈抱媿某官高才見幕府之三語餘事
為河梁之五言七言云相嘻笑皆成文可頡頏於前
輩戲謹不為雲聊假借於陳人捧戴若鷲襲藏無數

嗟吾衰之久矣已迫頽齡與人歌而和之了無新意

戊午生日回啟

宋監丞

中壘尉白首尚頽影以貪生廣平公鐵心為倚聲而
度曲屈隼襮之貴重增蝸舍之寵光恭惟某官今之
通儒古之循吏公奏潁川太守之最行且下於璽書
僕乏南州高士之風每辱懸於賓榻念野老桑蓬之
旦擣天孫雲錦之辭焜耀林泉播傳邦域不但貴洛
城之紙六俾熏韋寢之香某珍襲十重朗吟百過自
慙下俚若為和郢客之歌竊慕風人但迴祝魯侯之

壽

林侍郎

爵羅卻掃樹暮景而興嗟
絨索傳呼袖夜光而投贈
粉榆動色孤矢增輝恭惟
某官詞章今之卿雲氣節
古之蕭汲誅姦之勇烈日
嚴霜接物之和光風霽月
念老生之衰颯借初度之
寵嘉本洪範一曰壽之言
寓離騷三致意之作外觀
榮甚內省慊然某朗誦以
還珍藏惟謹惠而好我探
五色筆而見貽何以報君
薰一瓣香而迴向

徐監簿

摧頽莫蔭可禁凋年急景之催
纏縈交情猥被秋月
華星之作與篚籩而偕至覺孤矢之增
聳恭惟某官
文律咸韶誼襟金石念昔氣求
嚴應嘗游陳元方鄭
康成之間逸令形槁心灰已在綺
里季夏黃公之列
因臨初度特枉新篇加冠巾於髡
緇之顛施藻火於
寬博之褐傍人竊笑老子汗顏
某圭復不忘珍藏惟
謹借衰朽以發文章之妙君所
優為操下俚而和風
雅之音僕也安敢

方書監

貞曜詩窮况侵晚景君房語妙為製新腔辱錦心綉

後集卷之五十一
十一
腸之高才華樞貌霜顛之病叟伏惟某官文章若三
軍之朝氣嚴價重連城之夜光頗念陳人猥形善頌
浮沉苟免絕非三君八俊之流放遂始歸夫豈四皓
二疎之比徒益老夫之愧難當幼婦之辭某雖極冥
搜莫肅絕倡東坡曲子固異秦郎之為南豐辨香深
戢后山之意

蒲田謝掌

還遂良之笏姑供殘年彈子賤之琴辱貽古調雷封
爭誦晚景有光恭惟某官古謫仙人今佳公子月明
析靜未妨種滿縣之花晝永簾垂長是夢謝池之章

興憐八秩之遺老幸受屢而為昨妙語寵嘉顏齡榮
耀問絳人之甲子年事已高紀楚客之庚寅騷情有
媿至寶第勤於巾襲真搜莫報於珍投

魏知錄

老子婆娑倏開八秩參軍俊逸辱贈五言味興寄之
深長覺衰殘之光寵伏惟某官紫帽山之秀氣青油
幕之上賓興念陳人退休寓里昔百賦千詩之作堵
墻共觀今再衰三竭之餘長城安在祖述河梁之體
張皇洛社之圖賣菜求益乎妙矣寂寞之教語散木
無用也全其擁腫之餘生輒脩蕪詞聊啟玉齒

已未生日回啟

徐監簿

老色上面已薄崦嵫大音希聲忽聞韶濩褒嘉過矣
衰朽歛然共惟某官立朝之節霜嚴去國之名山重
瞻言西洛尚有耆英誰謂南州便無高士勵歲寒之
雅操念晚暮之陳人名酒以散其牢愁碩果以寓其
深意和七十三吟之作可謂切題雜三百五篇之中
殆將無辨其珍藏翰墨夸示親朋先漢諸儒晚節深
慙於劉向南朝文士平生尤重於徐陵輒課訥辭用
鼎佳貺

林侍郎

病叟眊昏不記劬勞之日耆英繾綣忽貽幼眇之音
過矣揄揚榮貳衰朽共惟某官咸韶文律金石交情
士誦奏賦凌雲之篇史載論事回天之疏公嘗司存
雨露是為筆橐之臣僕久辱在泥塗甘就輿臺之役
未忘懷於車笠爰假寵於桑蓬隳括新脛光華暮景
其徒知寶玩莫報珍投身似維摩示疾見於黃面家
無樊素倚轂托於朱唇荷德之深有言則淺

鄉守趙寺丞

蓬蒿滿宅甘暮景之退閑繁戟臨門委夜光而投贈

笙鏞間作孤失先增輝共惟某官典刑老成被服儒雅
祿相訪治道或避堂而舍之膝公誠賢君有受塵而
耕者興念門闈之容晚為板籍之民昔賈生召至漢
廷銳然有志今申公罷歸魯邱耄矣何能欲黼黻其
頽齡遂俎豆以殊禮際拈花間之樂府指揮竹裏之
行厨父老聚觀兒童傳誦某低頭欲拜捫腹有慙和
郢客之歌僅成俚調頌魯侯之壽莫繼風人

又送壽儀

野叟明農久有挂衣冠之興府公敬老未忘懸孤矢
之辰貽翰相存加籩甚設共惟某官治先風化誼篤交
情事賢友仁猶有古人之遺意貴德尚蔭類非俗吏
所能為况以多儀華其初度昔烏功薄每虞厚饗之
殃耄矣食浮未免老饕之愧

梁倅

僕如蒲柳懸孤矢而自傷君屈筭篁袖珠璣而委貶
宮商相應衡泌有光共惟某官東漢華宗北方學者
平生意氣徧納交於諸公餘事文章亦稱雄於同社
念陳人之暮景託通守之舊知郢客之調尤高穆生
之醴初設某耳非師曠聞絕唱而失驚腹負將軍雖
冥搜而莫報

李宮教卓常簿趙監簿

皇覽揆予初度已臨黃髮之年久要不忘平生為拊
朱絃之曲自憐衰朽不稱寵嘉共惟某官流略兼該
才名獨步昔如賈傳持論伏漢庭之老生今若孔明
折節下襄陽之耆舊託陽春之絕唱華晚暮之餘齡
某虛辱衮褒第知巾襲公追風驟頰哀伏櫪之衰僕
上水船難激湧泉之思

莆田謝宰

男子柔孤之志追感童年外孫蒼白之髮有光老景
厚矣琴堂之貺榮哉環堵之居共惟某官資既高明
才尤果藝龍筋鳳髓書判動數千言玉白花紅倡和
亦三百首託新腔之幼眇為初度之寵光某韞匱十
重薰蕕三復頌周卽之曲君素知音和郢客之歌僕
非協律

沈教授

問絳縣老人之歲已過希年誦廣文先生之歌足華
暮景連城無價環堵有光共惟某官經為人師文有
古意何止青衿之高第盡出作成其於黃髮之舊人
尤加禮敬新腔協律皓首知榮某筆硯久荒巾箱永
闕偶全晚節甘從洛下之游非有妙音難和郢中之

曲

方會判

曰吾衰也久矣寧復壯圖與人歌而和之莫追絕唱
驪珠之寶無價雀羅之門有光共惟某官粲然有文
淵乎似道昔白袍羣試嘗陪澤宮之後游今黃髮相
看尚記爐亭之舊話倚嚴宮羽假寵柔蓬某三復以
還一詞莫措圖洛社之會愧匪耆英聞周廟之音第
知倡

夏縣丞

僕髮成絲不記勦勞之日公詩如錦足為衰晚之光
共惟某官折挂名高峨松韻勝使者推謝令而去勇
矣埋輪太守賢許丞之廉慨然授印首疚心而求瘼
尤尚齒而敬賢念其寒灰槁木之餘寵以秋月華星
之作某譬村夫子敢廁耆英之游賴縣大夫庶免泥
塗之辱

知錄司法

老夫耄及覺筋力之復衰幼婦詞工自肺肝而流出
過門甚寵環堵有光共惟某官氣欲凌雲文加翻水
阮生三語畫幕素高太白百篇騷壇尤峻念槁項黃
馘之叟奏疏越朱絃之音其自媿類齡頗孤盛意髮

今種、這當絳老之年腹素空、難和郢人之曲

許主簿

柱史出閔駕牛都忘初度才子入門下馬忽贈新腔
共惟某官揭日貴名湧泉傑思早收魏第依稀入洛
之年回顧陳人荏苒鈞璜之歲妙矣棲鳶之絕唱榮
批羅雀之貧居某頭有素標既虛紀絳人之歲腹無
墨點又難和郢客之歌

林潮州

老上面惟去心空有助勞之感君乘車我戴笠未忘
貧賤之交托古人六義以成章聞長者一言以自壯

共惟某官奕世文章之錄先朝忠義之門九態膽閱
家藏曾費憲下十年之力祀龍顏取恩澤止憑牋上
數行之書帝將安渤海之民公出補昌黎之郡昔紅
巾滿山官不能捕今黃雲布野歲乃有收果細札之
內放俾介圭而入覲當齊相趣裝之際愈見雍容若
靈均初度之辰尚煩記憶念槁木寒灰之一老貽華
星秋月之兩篇有錦以分丘逢有香以熏杜牧已過
措大家之望亦為癡頑老之榮某徒媿盛心自憐暮
蔭洛社真率之會猶可追陪周廟倡歎之音若為

庚申生日

鄉守趙寺丞

大夫有賜於士謬辱寵嘉小人不知紀年重煩記憶
錯落珠璣之作輝煌啓戟之臨恭惟某官源流父師
被服儒雅凡今施設皆昔講明朱轡勸耕之餘行春
絕少紅裙踏筵而舞卜夜極疎有昔人憂宗國之心
念前輩尊高年之語慨男子桑弧之志僕迫耄期擣
天孫雲錦之章公真泛愛珍環無價蓬華有光某協
律未能修詞允拙謂秦少游工小石調素昧新腔陪
傳大士唱金剛經竟虛雅製

林侍郎

第甘泉從臣之頌爵蔭素高過絳縣老人之年光陰
已晚自愧不彫之朽質曷當絕妙之好辭恭惟某官
學者宗師國之壽雋平生氣節布烈於皂囊白簡之
間餘事文章出入於玉臺香奩之作念論交於早歲
矧締好於暮年庶僚視持橐之臣非其倫矣同社著
戴花之監前亦有之新腔出而金石相宣都騎臨而
衡茅改觀某了無瓊報惟有珍藏押紫宸殿下之班
聳覲以日尋烏石崗邊之路儻許異時

李宮教

七十者稀偶獲保櫟栲之壽一日之長乃煩執桑梓

之恭憐其華皓之餘寵以青黃之飾共惟某官文天
清而水止學地負而海涵紫氣出函谷之關了無慕
顧黃勅主第君之洞未易招麾言念陳人早交下執
有期願之壽而不昌名德僕豈無慙盡斯須之敬而
先酌鄉人公常從厚爰假韶鈞之作以為弧矢之光
某雖攪枯腸難賡絕倡贈我明珠錦段謹稽首而拜
嘉借君拍板門槌聊開顏而發笑

卓常簿

上同共惟某官周清廟士漢甲科卽有叔孫起莖之
勞既定淹中之禮無長孺積薪之歎肯薄淮陽之行

言念陳人下同

趙監簿

上同共惟某官周公族子漢甲科卽搏九萬里扶搖
欲挾飛仙而上佩二千石印綬足展丈夫之雄言念
陳人下同

方監簿

上同共惟某官中朝髦士間世竒材藏善和書何足
供柳侯之讀露會稽綬孰不歆翁子之榮言念下同
葉寺丞

上同共惟某官相門賢胄聖代譽髦陽城元結之思

相望於千載阮瑀陳琳之筆未霑於一班言念下同

梁倅

陳人掃軌不記初生通守過門忽貽絕倡深味褒嘉
之意足為遲暮之光共惟某官唐朝補闕之華宗慶
曆相君之同譜謂國初始置監郡雖甚尊嚴謂古者
不臣寓公加之禮敬念野老桑蓬之旦分天孫雲錦
之章謙撓屏松下之傳呼流麗叶花間之體制表蜀公
有感喜柳永之填詞華老過苛譏秦郎之放潑

辛酉生日回啟

諸上舍

秦郎何止工小石調於春帖以尤宜特絃幼眇之音
加賁暮遲之景空懸孤矢寧復四方之遠圖永闕巾
箱常恐六丁之下取

王新班傳司理

餘齡能幾嗟戴白之陳人高誼不遺辱比紅之麗句
吹揚誤矣把玩悚然恭惟某官得之家傳輔以學力
諸公恐後薦書之墨未乾崇宦在前舊壇之青必復
特絃廟瑟增賁門孤自鏡衰容感日月之逝矣深藏
至寶防雷雷之取將

後村集卷之三十五

後村集卷之三十六

啟 壬戌生日回啟

陳正言

襄陽耆舊之傳非僕所敢知汝南月旦之評待公而後定何哉木槁灰寒之叟得此日光玉潔之文巨擘品題衰緹焜耀恭惟某官以忠實自結於明主其文辭獨行乎中朝謹論危言視建中諫議而無愧精筆妙墨與崇清次對而並驅哀斧在其毫端縉紳想其羊采雖望之如嚴霜烈日然即之則霽月光風蔭記末交寵嘉初度戲謹不為謹闕憐垂暮之光陰嘻笑

皆成文假設聚星之問答極翰墨家之能事華癡頑
老之餘齡驪頷之寶易求麟筆之褒難得某敢不三
熏紬繹十襲悶藏每誦茲予明農之言願退為於野
老所引昔吾先正之事敬因施於明公耿上之深云
云則淺

癸亥生日回啟

徐常丞

僕稟蒲柳先零之質荏苒旋期君有松柏後凋之心
記存初度燁然麗藻飾以朽株共惟某官百鍊至剛
一毫不挫行藏大致彷彿古人太學蓋監又不遷於

韓子曲臺綿蕪莫能致者魯生署東坡先生之舊銜
抗南州高士之遠志尚且不遺故舊曲盡殷勤貧賤
之交獨叔知我比興之作惟商契予以錦心綉口之
詞章為雪鬢霜髭之光寵某沐熏朗誦偏鐫珪藏方
戶庭無雀之可羅忽牕几有虹之下闕投我碩果喻
晚節之獨全移此瓣香為名流而迴向

諸士友詩

老夫耄及久已蒼皤幼婦詞工過相粉黛共惟某人
雖徧交於名勝尤加厚於陳人昔入侍漢庭不能如
得意之誦賦今罷歸魯邱延有從申公而受詩追琢

後集卷之三
新車寵光暮景知我希則貴矣安用浮名與人歌而
和之難扳絕唱

諸士友詞

逢矢四方志深感頽齡錦瑟五十絃忽聆雅奏共惟
某人貴名揭日高誼薄雲長吉古錦囊皆苦吟而得
者少游小石調豈放潑之謂乎隰括新腔光華暮蔭
頽周卽曲惜無歌者之統梁唱金剛經幸借老夫之
拍板

方聽蛙

生九十曰耄素歆羨於鄉先長五年比肩尚接扶於
吾黨鏗鉤雅奏黼黻始生恭惟某人德邵年高筆精
墨妙與耆英會諸公序蒞瞻之在前闕夸毗子萬壑
壓巔巋然殿後托朱絃之古調華雪鬢之陳人題紫
霄峰頂之名未應徧徃尋烏石崗邊之跡莫問幾迴

吳侍郎

光景幾何自嘆更生之垂老樂歌妙絕誤蒙季札之
知音宮羽鏗鏘柔蓬焜耀共惟某官詞源倒峽老幹
參天頃遍歷於繁官皆自結於明主是非褒貶之筆
凜鉄面而霜稜嘻笑怒罵之文亦錦心綉口直道不
容而何病交情久要而未忘當署門設雀羅之時乃

後村集 卷之六
越邑致鶴飛之曲錦標過矣篚實將之某稽首拜嘉
堆懷銘惠一貧乃見交態永佩誼襟七袞不成報章
莫鳳藻思

陳大卿

大塊以老佚我荷明主之放歸小人不知紀年奪名
卿之記憶忘舊好特製新腔恭惟某官文律咸韶交
情金石念兩家嬉戲俱為騎竹之兒及同社凋零尚有
載花之老古調居然寡和頽齡賴以自強林密山深
可共訪釣游之處家貧鄰富願時沾膏馥之餘

曹守司直

退士明農慙愧挂衣冠之晚故人作收記存懸孤矢
之朝枉二千石之朱轡聆五十絃之錦瑟共惟某官
朝之髦士家之象賢孔鯉過庭所聞得於尼父伯禽
治國之意本於周公興念陳人徼福先契僕無原父
一揮之筆既耄宜休公有子建七步之才以文為戲
倚巖奏郢客之曲載酒訪子雲之居極其殷勤華歆
衰朽勞以生佚以老幸百尺竿之下來熾而昌壽而
臧拈一瓣香而迴向

教授

香山居士晚節自佚餘齡廣文先生高歌俾華初度

異哉驪頷之寶至於雀羅之門共惟某官文成一家
書破萬卷子雲思苦中年悔篆刻之詞太白才高餘
事及清平之調桑蓬焜耀韶漢鏗錡侍馬季長之絳
紗帷恨莫陪於高第無張平子之青玉案何以報於
美人

判官

白髮三千丈不記始生錦瑟五十絃忽聆絕倡厚矣
殷勤之意華其衰颯之蹤共惟某官氣欲凌雲文如
翻水庾即從事當時有紅蓮幕之稱太白謫仙餘事
及沉香亭之作託新腔之幼眇為暮蔭之寵光某儘
手捧觀堆懷感慨贈我琅玕錦段既韞匱而深藏借
君拍板門椎姑逢場而作戲

曹官

癡頑老子不記始生俊逸參軍忽貽絕倡厚矣殷勤
之意華其衰颯之蹤共惟某官英氣凌雲詞源倒峽
阮生三語清淡為風流之宗太白百篇餘事及清平
之調托新腔之幼眇下同判官

林通判

天將壽我皤然享黃髮之期歲晏華予鏗爾奏朱絃
之曲交情無斃初度有光共惟某官雲霄之志素高

月旦之評充燉興懷老叟嘗忝近臣山巨源啟事雖
多孰先稽叔衛將軍賓客皆去僅有任安因其違矢
之懸寵以香奩之作誦蜀客游獵之賦莫吹送以上
天尋洛英真率之盟願牽聯而入社

甲子生日

徐常丞

周年急景自箋表聖之宜休永敬長言尚記靈均之
初度探諸驪頰賁與爵羅恭惟某官養孟氏之浩然
識孔門之大者帝命伯夷典禮真執惟清子謂平仲
善交久而愈敬興懷遺老遠屆始生援洛下之耆英
豐渭南之僊伯恐晚節浮湛之有悔每忠言從史其
辭榮形為兩喜之詞寧非三益之友某偶因日青虛
厚嚴詩被藻飾而厚顏佩祝規之盛意僕迫桑榆而
救失暮景可追公如松柏之有心歲寒延見倡鼎豈
敢鄙拙是慙

仙遊鄧宰

踰七望八之年吾衰也久矣駢四儷六之作胡為乎
來執語妙琴堂先生葑屋共惟某官寬柔以教嘻笑
成文老僕歸耕跡托於武城之宰居侯尚齒禮加於
絳縣之人以黃麻紫誥之才情借白髮蒼顏之光寵

其過煩貽翰曲軫垂孤召卓魯兩令來歸何慙於昔
援濞蜀二公見擬殊匪其倫勉課蕪詞少霽藻思

吳侍郎

顏濱遺老自感慨其餘生洛下耆英尚記存其初度
方乞閑身而掃軌忽傳遠使之及門語妙珠璣光生
孤矢恭惟某官進則鳳鳴於千仞退而龍卧者十年
某水某丘既歷訪釣遊之慶大寒大暑未嘗出安樂
之窩興念陳人素叨末契昔禪冠強起屢煩誦北山
之移今遽芻徑歸復許入東林之社味新脛之豪壯
覺衰態之激昂蓋然交情厚矣珍貺檢點金閨彥傳

晚節之後凋摩挲銅狄人拈瓣香而回嚮中丹所蘊

副墨未殫

又

伏蒙某官軫記賤生揆擣紉思以甘泉持橐之老德
望素高於神武挂冠之人交情愈厚恩勤至矣感慨
係之某拜手登嘉捫心知愧九老像傳而畫增價肯看
衰遲六丁力盡而山不前自嗟綿薄敬裁拙訥少荅讓撫

諸士友詩

飾巾待畫忘設門孤下筆有神忽絃廟瑟發天才之
虎特增陋室之光華共惟某人貞蟠萬卷之書手織

千機之錦念其耄老援五福一曰壽之言形諸詠歌
追一篇三致意之作揆擗麗藻黼黻朽株若八音之
克諧錯陳罄筦恐六丁之下取永閼中箱輒課訥辭
少鼎佳惠

諸士友詞

老將至云爾不記始生言不足敬之忽貽絕倡晚景
之榮甚矣歲寒之誼卓然共惟某人思穿天心語破
鬼膽賈生賦妙離騷可舉爭先却客調高曲子豈能
縛住鏗錫雅奏焜燿顏齡蟠屈雄才入花間香奩之
體鋪張鉅典待芝房寶鼎之歌

曹守

西清遺老頽受塵而之滕東剛象賢宵避堂而舍蓋
袖珠璣之璀璨懸孤矢而寵光恭惟某官循良二漢
之風流賦詠七子之氣骨謂八十公病免已愧穆生
與二千石交通又非李白念梳面霜顛之衰朽出錦
心綉腸之緒餘駐小隊於林間移行厨於竹裏載醪
鄭重素知次公之醒狂還贄空踈幸恕淵明之醉誤
所為感慨未易披陳

又

伏承貽翰俯記懸孤先生去歸其鄉自慙已晚大夫

後村集卷之八
有賜於士辱記始生盡出於使君之庖幾塞破書生
之屋名為例卷實則加籩念其祝鯁饁之時云耄
矣與之共甕飧而食豈非賢哉謂諸侯無臣寓公之
文况長吏奉問高年之詔里閭健羨邦域傳誇雖微
清淨之言可裨曹相獨有熾昌之頌回嚮魯侯謹課
訥辭少抒謝臆

鄭倅

病叟休官自嘆光陰之垂老故交監郡肯分風月以
乞人託古調而倚轂覺顏齡之增氣恭惟某官清若
金莖之承露皎如玉樹之臨風師友磨礪家庭講貫
高才閔決王祥功康海沂餘事詩騷君房語妙天下
筭篁屈重孤矢生光虛辱載醪未嘗識子雲之字不
閑度曲安能和郢客之音感慨滋深染濡莫究

又

暮景引年甚矣一禿翁之耄歲寒念舊卓哉半刺中
之賢凡厥匪盼極其珍腴葑屋頃為之光寵冰廳信
有於破除靖惟負耒頽耕之民固難方命輒援受羨
反錦之誼庶免傷廉已勒別箋少誦隆施

林農卿

三益之友多聞充殷動於久要兩喜之言溢美欲光

後村集 卷三十一 九
寵其始生櫟括新脰吹噓朽質恭惟某官停箸每形
於天獎影纓已峻於月聯易學精微探索於玉弼鄭
玄之外騷辭要眇頡頏於景差唐勒之間憐晬晚之
光陰沾贖殘之膏馥某徒能朗誦良愧暗投賦綠野
堂之詩敢煩屬和踐烏石崗之約儻肯相尋還贄不
工負荆以謝

趙工部

上同恭惟某官挺諸王孫之秀占甲科郎之先然藜
天祿閣中諸儒服其宿學看花元都觀裏同舍立於
下風憐晬晚之光陰下同

方常簿

上同某官貴名揭日直榦參天造辟指陳易曰王臣
蹇々與人交際子在鄉黨恂々憐晬晚之光陰下同
林尚管

上同某官汝南之評甚美山陰之譜絕高士慕浮名
癡守政事堂之筆公求遠次歸尋真率社之盟憐晬
晚之光陰下同

趙循州

上同某官在尉佗郡有百年之愛於延陵相無半而
之交著辨誣書烏有此事尋遂初賦實獲我心憐晬

晚之光陰 下同

方寺丞

上同 某官鷺序久倍於群彥鯉庭富有於異聞對五
座而昌言何其壯也視鉄庵之諫草是以似之憐晚
晚之光陰 下同

林知縣

上同 某官才情藻麗機鑒清明民懷武城單父之絃
轂見稱賢尹上用乾道淳熙之典故將拜緊官憐晚
晚之光陰 下同

卓漳州

退老明農已拜神武門之疏故人作牧未寒真率社
之明隲括新腔寵光初度恭惟某官成周髦士先漢
甲科避戈退飛以熙寧不容而去改絃入覲為開元
有道少留謂津要之立登乃蕃宣之自跪置盂水拔
薤本郡人皆曰清官開竹樓擲桑弓山越復為赤子
既循良之居最猶故舊之不遺興念衰陳素叨好雅
昔陪半老儒之後蓮照禁中今我一禿翁而歸草深
戶外自不記桑弧之旦乃為鏗寶瑟之音某視蔭婁
涼聞歌感慨無青玉案之作美贈難鼎踐烏石崗之
言相尋未晚輒抒拙訥少荅殷勤

後村集 卷之五十一
谷卓漳州親書

老夫耄無能矣不記賤生鄉人善者好之特垂華問
方謝親朋而掃軌忽驚軍將之打門郢客調高君房
語訛由胸中六家九流之洞貫故筆端千變萬態而
無窮發藥孔多應鼻不暇共惟某官大庭前列華省
望即入朝奏太史之書成出守得文公之補處討論
潤色為命使演綸視草以充宜嘻笑怒罵成文雖據
案坐曹而不廢記憶光陰之遲暮分張膏馥之賸殘
某眼眩花生心闕藥裹已飭措戕而亟拜後濡惡札
而重陳安渤海之功高君且召矣營菟裘之計决吾

將老焉

乙丑生日回啟

上寓

老夫耄矣自古無百年之期鄉人好之以愚有一日
之長揆擣麗藻粉飾頽齡共惟某官讀五車書織千
機錦念此暮暉之光景託諸嘻笑之文章然某頃事
先皇叨塵法從挂、神武之衣冠雖久癩鼎湖之弓
劍如新未釋沉憂都忘初度記存獨厚辭受兩難厭
腰黃眼赤之勞灰心御掃愛玉白花紅之作拜手瑤

藏

後村集 卷之三
秘閣徐提刑

八十餘老自不記其始生三伯五篇今寧無於古作
門孤後甚廟瑟鏗然恭惟某官華省望即外臺膚使
興念布衣交之誼發為錦繡改之章然某納履之願
雖諧遺弓之痛未釋揆抒初度非我敢知懷南豐一
辨香之動拜青州十從事之惠老夫無能耄矣愧還
笏之已遲先生上壽時乎欲舉觴而未忍敬抒拙訥
少見銘藏

又

退藏已久歸田為負耒之人記憶未忘越境問垂弧
之旦頽齡榮甚高誼凜然某鋪楚澤公子之糟醪飲
醇醪而有愧飽錦里先生之芋栗見碩果而失驚屬
抱先皇弓劍之悲不勝老臣軒廐之慕投李報父自
憐囊褚之貧載笠乘車方羨綉衣之貴

蒲領衛壽宓

辰乎去何速自感慨於旋期愛之欲其生辱寵綏其
初度公雖好禮僕則懷慚共惟某官雅致甚清官情
素薄進以禮退以義安知環尹之榮貧無諂富無驕
不改布衣之操衆趨新貴獨念陳人碩果登梓精幣
實篚感故人金石之意尺素遙臨抱先皇弓劍之悲

左弧罷設廉可無取卻為不恭戴笠乘車雖不同於
出處受飧逐璧莫少吝於殷勤

曹守司直

行滕文公之政久託依棲問絳老人之年猥蒙禮敬
烹魚之書適至羅雀之居有光恭惟某官東畎象賢
西京循吏廟論徵黃之意決莆民借寇之情深幸四
輩之小遲念一翁之大耄駢羅臺餽光寵門弧公方
奉孔廟之豆籩僕追愴橋山之弓劔意雖勤於祝饗
食肯忍於下咽詩人投瓜報瓠莫鼎嘉惠昔賢受羨
反錦竊慕遺風

陳尚書

人稀七十者餘生矧迫於花期詩有六義烏傑作尚
存於古意揆摛鴻筆光寵爵羅共惟某官忠結人主
之知文鼓天下之動百篇剴切傾倒鯁言一字謹嚴
本原麟史雖易曰王臣蹇々然子在鄉黨恂々念此
衰殘祝其壽嘏叨兩制則負乘過矣擬三賢特齒髮
似之從耆英洛社之游未諧撰杖茹先帝鼎湖之痛
莫挽遺弓槁木寒灰視蔭幾何明珠拱壁無脛而至
每吹噓於吾黨猶煖熱於此翁某自省惰荒難扳名
勝朱絃三嘆忽聞清廟之音緹襲十重永作傳家之

寶

李禮部

西清遺老勞侍從而挂冠南宮先生驅文辭而入筆
交情無數初度有光恭惟某官運斤成風尚網惡著
駕湘中輶傳甫為登車攬轡之行歸汾曲田廬不改
彈琴著書之樂念病叟光陰之晚晚分詞人膏馥之
賸殘不炙手於炎心每垂情於寥々某屬悲弓劍罷
設桑蓬莫追逐而參翱翔第愛惜以為珍寶題唐謫
仙黃鶴未易續貂隨周柱史青牛或堪為馭

莆田仙遊兩宰

滕文公與許行處茲幸受廬晉大夫使絳老年古尤
尚蔭新腔幼眇華髮競榮恭惟某官有粲然文臨壯
哉縣萬口誦龍筋鳳髓之判片言折鼠牙雀角之爭
減晉陽繭絲之租孰知尹鐸至武城絃歌之室惟有
澹臺念此陳人託諸古調某屬悲弓劍罷設桑蓬自
憐灰寒木槁之餘猶愛玉白花紅之作豈無青史大
書雉止之祥未有雪兒佞唱鶴飛之曲

兩教授

居士四休已栖遲於晚景廣文獨冷肯煖熱於陳人
自慙華皓之餘猥辱青黃之飾恭惟某官文有古意

經為人師席下執經但見門人之獲蒲樽中有酒不知
知座客之瓊寒偶成嘻笑之文章假寵豁童之齒髮
何修而獲無德以堪其衰殘不記於桑蓬攀慕未忘
於弓劍白帟襦送老莫報珍投絳紉惟授徒黨蒙私
淑

曹職官

病翁耄及久矣退閑幼婦詞工施諸衰朽過辱青黃
之飾足為華皓之榮共惟某官果藝在政事科英妙
入文章錄至是邦聞其政異人之求問老人使之年
何齒之宿鏗錡古調光寵頽齡某方浚弓劍之悲無
復桑蓬之志空煩墨客揮綵筆而永歆未有雪兒拍
紅牙而佞唱

丙寅生日回啟

陳尚書

伏承揮翰俯記垂孤專俾剝啄而叩門縛禮便蕃而
塞屋丰瀕晚暮安於山林臯壤自娛誼薄雲天不以
寒暑燥濕改度垂情至此無德堪之共惟某官立朝
則烈日嚴霜接人則光風霽月興懷病叟同事先皇
昔韶奏鳳來俱令於廣樂今鼎成龍去同抱於遺弓
憐其景迫於桑榆祝以壽侔於樗櫟永叔譏老不知

退僕願銘膺獻可云事尚可為公宜努力

林中書

僕小家數光陰矧迫於暮遲公大宗師膏馥許沾於
殘賸色絲好妙華髮艷榮共惟某官足躡天梯手織
雲錦小則千詩百賦大則九制三麻羽獵以前爭誦
子雲之少作玉局而後始見坡仙之大全徧履清華
不遺故舊金口辱為之善頌白頭反似於新知急景
凋年八袞羞懸於孤矢華星秋月兩篇永闕於巾箱

林農卿

范叔舊緜袍交情未改秦郎小石調初度有光自顧
在殘曷堪拂拭共惟某官眼空四海氣蓋諸公先朝
聞籍甚之名同社伏飄然之思當年應制高才奪宮
錦之袍餘事填詞古調奏雲和之瑟出噓枯之妙語
華慕春之頽齡故鄉憐老鶴之歸悽其有感貧舍乏
春鷓之嘯持此安施

徐提刑

病叟衰殘有子房赤松之興故人繾綣貽武公綠竹
之詩逸思飄然閣投過矣共惟某官至剛至大有勇
有仁按發之威動搖山岳平反之念對越穹蒼蒼方
奉行楮幣之新書乃記憶布衣之舊好作為善頌假

後集卷之六
寵顏齡曾謂退閑尚煩煖熱某已挂神武衣冠而去
未忘橋山弓劍之哀瑟兮憫兮豈有文章之可述美
矣善矣如聞韶武之遺音

卓刑部

林下山間方安一丘壑之趣柳邊沙外忽貽千秋歲
之詞寶瑟鏗然柔孤寵甚共惟某官然黎名勝剖竹
循良上方嘉唐邑得禾之祥朝未行渤海罷兵之賞
非若淺夫有幾微見面惟於故人相爾汝忘形憐晚
暮之光陰分賸殘之膏馥金縷唱紅牙拍虛辱新腔
毛錐秃鐵研穿雞膺逸韻

趙工部

甚矣吾衰矣忘設門孤言之永歌之忽絃之廟瑟憐其
皓白飾以青黃共惟某官丹桂高攀青雲閣步同時
文館推一更生千古詩壇有兩工部言念山中之執
友僅存圯上之老人鑄此偉詞華其晚節召李太白
進清平調行登子於寶床陪傳大士唱金剛經願借
余之拍板

林太博

晚節未踞忝陪洛下之後塵永歌長言忽奏郢中之
古調其榮甚矣何德堪之共惟某官國之後良士者

師表韓退之作進學解招之使前晏平仲善與人交
久而愈敬憐半垂之白髮分絕妙之色絲味莊生櫟
樹之言僕幸延於天伐和漢帝柏梁之製君盍筮於
清華

權郡

村翁初度素無麟紱之祥地主清臨忽有驪珠之贈
新腔叶律暮齒生光共惟某官清若冰壺皎如玉樹
先皇之所親策諸老莫不知名偏壘局才未足展治
中之逸足大賢為政不必分刺史之真符每設醴以
待魏生占屏騎而過黃憲挾槁麗藻披拂朽株材思

已衰安敢和郢中之曲風謠甚美尚能續沂海之歌

又

某倦返故栖老逢初度無桑蓬壯志有弓劍餘哀敢
圖地主之仁賢深念老翁之耄耆騰賤問勞實篋匪
盼顧朽質安知龜鶴之年犯先賢燕取熊魚之戒擇
而辭受甚矣銘藏荀令熏衣願巧筆端之賸馥盧敖
據殼儻陪物外之勝游

李禮部

廢蓼莪之卷老尚暮親保樗櫟之年公真愛我贈錦
心繡腸之作為霜顛施面之榮共惟某官粲然有文

後村集卷之六
四
淵乎似道弱水三萬里追逐於羣僊苦縣五千言傳
授於始祖念陳人之暮齒按樂府之新腔會天津橋
踐西洛耆英之約尋烏石路誦半山老子之詩第恐
瘵殘難扳壽雉

趙梅州

吾年耄矣辭荷橐而乞身居思飄然倚玉簫而度曲
不圖暮齒辱贈新腔共惟某官蟾宮桂高攀席符濬剖
詞章爾雅諧樂府之六律五音倫類貫通知漢宮之
千門萬戶乃絃百瑟以賁左孤忝陪洛下之游敢云
葢宿欲和郢中之倡自愧才衰

鄭太社

僕瀕耄耄都忘熊夢之祥君富才情為製鶴飛之曲
不圖俚耳忽聽新腔共惟某官席榜名高鷓行譽蚤
寧種杞菊為甫里之散人不把蒲萄博涼州之刺史
顧如遺老舊客元樞念其景迫於桑榆祝以壽侔於
檇櫟蓬矢四方之志寧復壯圖朱絃三歎之音尚含
古意

林安溪

余學無成舟已至老君詩多態膏已逼人自慙皓白
之餘忽被青黃之飾共惟某官鑄出奇偉掃空腐陳

後村集 卷之三十一 五
粵自子雲相如以來賦筆幾絕孰謂少陵謫仙之歿
詩壇遂荒挺生若人將付此事觀其賀榜菴桑蓬之
作借以發弓寮翰墨之豪鶴瘦龜飢朽質難希於上
壽鳳儀麟獲高才必瑞於明時

陳宰憫

漢廷視草之人厭承明而請老河陽種花之令歌樂
府而華予冷然古音滎甚初度共惟某官畫囊無底
吟筆有神卧元龍之樓素挾豪氣至言偃之室惟聞
絃轂分天孫織錦之章華野叟垂弧之日扈蹕第甘
泉之頌莫扳附於從官聯袂和魯山之歌願率先於

耆老

蕭教授越大韓山長伯高

維摩居士老病坐感歲時廣文先生高歌聲滿天地
其榮至此何德堪之共惟某官腹貯五車筆扛九鼎
盍早給尚方之札云胡采泮水之芹侍夫子之席間
並進四科之高第期老人於圯上非為一卷之素書
奏雲和太古之音華靈均初度之旦雖田光納履久
已作於閑人繼鄭老無疆所願陪於下客

臧曹官

一充翁耄及久矣引年三語掾才高為之度曲自慙

垂暮良費嗟枯共惟某官承露金莖臨風玉樹隨羣
而入孰如我之賢勞直道而行不計公之喜怒言念
老生之初度俾沾才子之殘膏忽聆三歎之音倡焉
寡和欲效七襄之報織不成章

王縣丞得三

余髮種々忘麟綬之祥君思飄々有驪珠之贈自慙
躡颯不稱揄揚共惟某官有是天才輔以學力章騰
鶚薦見知當路之諸公書訪雀羅加禮受履之一老
燦然麗藻賁此朽株急景凋年懶陳於孤失華星秋
月永闕於巾箱

張監務邦洵

上同共惟某官筆幹千鈞胸蟠萬卷興公之賦擲地
有聲文昌之詩如雲多態言及老生之初度俾沾才
子之殘膏忽聆三嘆之音倡焉寡和欲效七襄之報
織不成章

方山長至

落日沒山西吾生休矣涼風起天末子意如何投贈
新章寵光初度伏惟某官高攀月桂薄采泮芹侍夫
子之席間進生徒而私淑拜德公於床下為耆舊而
執謙念陳人蒼顏白髮之餘分寸子黃絹生絲之製凋

年急景屏孤矢而勿垂秋月華星寶巾箱而永閱

楊縣丞思謙

垂崖老尚書忽已忘初生之日平原佳公子洋々聞
正始之音共惟某官漢關西名家唐靖恭舊譜暫為
假令河陽之花盛開見謂文丞藍田之松對植顧如
英妙尤篤交游念其晚暮之年贈以陽春之曲空煩
墨客按金縷之新聲未有雪兒拍紅牙而佞倡

士友

老夫耄矣如焦穀之枯鄉人好之有靈椿之祝古音
要妙暮蔭競榮共惟其人志抗雲霄評高月旦無友

弗如已者雖泛愛而親仁善謹不為虛弓或以文而
為戲贈以郢中之絕倡擬之洛下之耆英自頽衰顏
不堪拂拭譏秦少游入小石調子豈放潑乎陪傳大
士唱金剛經吾將進儒矣

卓刑部

僕侵尋大耋暮華陽真逸之風公倡率羣賢開洛社
耆英之會固已有不賢之破費乃復叨甚腆之匪盼
雖佩高情寶包厚媿敬以璧返均之銘藏得鹿心灰
不記覆蕉之殘夢吸鯨量減浪云逢麴而派涎姑削
牘以稟訓別負荆而推謝

諸友醵飲

一老乞骸久挂冠而還里諸賢尚蔭欲載酒而過門
聯壁招邀剝緘愧悚折枝長者式昭遜悌之心先酌
鄉人敢曰斯湏之敬

回黃教授

家溫身罷退臣莫報於國恩况事肩隨舊友未忘於
交誼豈敢追攀於先進居然獎借於晚生共惟某官
齒宿而意新年高而德邵叔度汪汪之量華胄
相望武公抑抑之詩旒期不亂念其昔叨末契
今亦暮齡雖才不才之爾殊然老吾老以相及見

鄉人長者則拜况辱珍投誦廣文先生之歌難鼎絕
唱

丁卯生日

林中書

短檠棄擲僕烏覩青藜杖之光老筆森嚴公占斷紫
微花之樣托錦心綉腸之作為秀眉黃髮之榮共惟
某官開正始音識闕雅亂文則史質則野衆作皆然
齒之宿意之新一人而已既備大宗師之全體占工
小石調之新腔慷慨高情光華初度其久拋書案未
減藥囊方昔昏花望金篦之刮膜恨無妙麗倚玉簫

而成轂

陳提刑

挂衣冠而神武力請還山立繡谷於雲霄未忘同舍
託樂府新腔之妙為野人初度之榮共惟某官粉省
望即蘭臺良史吟玄都現並遊客看於桃花扈甘泉
宮太半已持於荷橐雖近籞於禁密猶遠有於光華
嘉其保晚節之香示以禮高年之意某情懷牢落瞻
視昏花墨妙筆精自可供清平之調曲高和寡若為
賡幼眇之音

鄉守趙計院

皇覽揆余初度自感餘齡諸侯不臣寓公力行古道
贈以陽春之曲賁此晚暮之年共惟某官皦上冰清
巖上壁立憇棠訟少拔薤才高春陵之行杜子美為
之起畏南山之判蘓味道見之必羞隳括金石之音
輝華孤矢之旦某堆懷銘惠稽首拜嘉歌益郡之中
和素非才子誦魯侯之燕喜殊愧風人

趙倅

僕老於劉子政不記初生君賢如趙德麟為歌古調
柔蓬焜燿宮羽協諧共惟某官妙吐天葩高攀月桂
漢京士子相推舉大學之牆唐朝公卿爭傳誦阿房

之賦躬行水利永障濤瀾客至冰廳但談風月每念
垂車之叟今為負耒之民託錦心綉腸之詞假掩面
霜顛之寵某自憐韓老慨然發於秋懷所願素即移
此施之春帖

林農卿

櫟樗無用幸天罰之偶逸松栢有心於歲寒而乃見
假黃絹色絲之作為蒼顏白髮之榮共惟某官館殿
名流山林特起昔鵠來大液曾賡應制之歌今龍去
鼎湖空抱遺弓之泣尚念同時之髦士今為謝事之
禿翁奏郢曲而揄揚率洛英而存問兒童驚喜里社
傳誇某自顧在殘曷堪提獎自有赤青全拋榘架之
書家無絳唇空負繞梁之曲

卓刑部

上同共惟某官以黃甲名流居紫陽補處以仁政伐
暴政不數畧以取魚視畬民如省民爭解刀而佩犢
渤海之壘書甫下中山之謗篋已興有歌詠發乎性
情無幾微見於言面古調鏗鉤於郢曲高軒領袖於
洛英某自顧在殘下同

趙梅州

上同共惟某官卓雅不群勞護自牧石門泉濁不能

易夷齊之心長樂瘴清亦既奏中和之最方擁旌旗
於新府未忘車笠之舊交贈我好歌華其初度某自
有赤青下同

趙工部

上同共惟某官甲殿上之傳臚紹山中之文印條冰
若杜子美掃空萬古之詩人太乙照劉更生引領同
時之學士念申公八十餘之老製秦郎千秋歲之詞
金石鏗然桑蓬崇甚某目有赤青下同

林尚管

上同共惟某官通務之儒識時之傑機雲不作又無
競爽之才蘊藻以來復見二難之懿駢辭弗容於細
德殷勤加惠於淡交際括宮商麗光孤矢某目有赤
青下同

莊省門

上同共惟某官家學傳衣世科拾芥義方孝謹藻裔
先生之嫡孫詩律森嚴憲菴老子之宅相謂立登於
要路忽勇退於急流際括古音光華初度念此翁之
晚歲與吾父以齊年某自顧在殘下同

李書監

上同共惟某官漢甲科郎周譽髦士四庫書付之典

後集卷之三十一
掌六館生有所師承始從烏大夫之招壹如温造不
負衛將軍而去獨有任安隳括宮商寵光孤矢其目
有赤青下同

南劔林倅

上同共惟某官用世才周康時志廣雙溪監郡未免
斷而小之萬里建侯會當圖其大者念陳人之初度
製樂府之新腔其自顧在殘下同

邵武林倅

上同共惟某官科第摘鬣功名唾手書上光範蒙夾
袋之知舟近蓬萊忽引航而去暫作樵川之通守未

忘洛社之陳人隳括宮商寵光孤矢其目有赤青下同

徐提舉

大士無障礙未回瞻漢之昏花使臣有光華尚記禿
翁之衰朽贈以驪珠之作過於麟紱之榮共惟某官
今之名流古之遺直雖冰霜勁節屢聳瞻埋輪攬轡
之威然金石交情初不隔乘車戴笠之勢灑翰示綿
袍之意遺詩賁孤矢之朝某自顧在殘曷堪提獎欲
焚筆視難賡郢客之古音永闕巾箱留作鄴侯之家
寶

方叔書

維摩病故士忌蓬矢之紀祥世南行祕書倚玉簫而
度曲高情繾綣朽質光華共惟某官氣欲凌雲文如
翻水告于爾后屢對賢生於席前用之鄉人肯拜德
公於床下遂令俚耳獲聽古音某久廢燈窗尚親湯
液傳玉函之訣異洗昏花歌金縷之詞恨無妙麗

黃帥機 林安溪

求玉杵白歎刮膜之無方唱金縷衣忽倚簫而度曲
協諧律呂混耀桑蓬共惟某官粲然有文淵乎似道
俗間火食語一洗嗟嗟天上樓虛詞罕聆幼眇念病
翁之華髮贈才子之色絲加厚久要有光初度某謹言

遶月鵲固難擇木而棲無嘯春鶯空負繞梁之曲

戊辰生日回啟

回徐提舉

生也有涯素安定分壽則多辱飽關交情矧相逢車
笠之時猶未忘孤矢之旦事真創見感不容聲共惟
某官古典刑人今文章伯自漢大農平隼之後晉沾
紅腐之蓋藏及暴公子直指以來重識繡衣之風采
繩強宗以安善弱荐健吏以勸事功不圖濟南老生
九袞之翁曾是冀州刺史故人之舊餉山濤常少知
欲者之不多衰范叔一寒有故交之餘恋蟠屈烈日

嚴霜之藻挾摘華星秋月之章其受則傷廉辭則方
命捧書亟拜驚雙明珠之暗投倒橐冥搜拈一瓣香
而回向

鄉守趙計院

人生百歲端如過隙之白駒我瞻四方僅有還鄉之
黃鵠感君侯之善頌動蒙叟之喜心擊鉢材慳報瓊
禮闕共惟某官笑談霏屑咳唾成珠若苗讀士衡文
生欲焚其惡札味道見甯言判或猶帶於羞容似憐
濟南之老生遠引淇奧之君子觀鄉意古尚蔭義高
某暫設門弧永為家寶豈無愛客舊兩去而不求探
恐偷兒半夜負之而走

江倅

上同動蒙叟之喜心共惟某官以簡易得民和以安
靜為政體身從閑快洗清俗吏之簿書時與賓朋管
領冰廳之風月憐才古意 下同

林中書

皇揆初度莫報親劬人羨久生不知老至扶檮鴻筆
光寵爵羅共惟某官文包化工學到聖處伸舒最宜
詞掖絲綸成一家之言應氏三入承明麻卷似六經
之禮追唐元白鞅宋汪綦若箋釋若里蒙縣人之書

德林集 卷之六 十五
尤契合漢文實太后之意及穆陵髯絕遠海鶴歸似
憐絳老之衰許入洛英之會托牙絃之古調祝銅狄
之高年某自頽衰癯難板名勝冰稜間道難鬪平子
錦綉段之章虹氣亘天永作米家畫畫船之寶

林農卿

上同不知老至厚矣金石交之好贈之錦繡段之章
共惟某官承絕學之傳得先天之妙始竒陸生新語
令說詩書及覽枚叔奏篇尤稱賦頌青雲失脚白首
抽身似憐絳老之衰許入洛英之會託牙絃之古調
祝銅狄之高年某自頽衰癯難板名勝戶外客篋豈
無是然之音帳中論衡恐有負之而走

卓刑部

上同共惟某官華省望即御屏賢牧摩娑高先生喬
木皆已成陰封植朱文公甘棠至今勿翦其治為七
閩之冠雖去有百年之思似憐絳老之衰下同

趙工部

上同共惟某官擅江夏無雙壓社收第五詔更生誦
習頻下青藜畏臣甫蹉跎久紆朱紱昔與乃翁同隊
今觀吾子二毛似憐絳老之衰下同

方秘書

上同共惟其官至音自協宮商妙語不煩繩削早陪
正觀學士登蓬萊山中若開元翰林對金銮殿衆皆
非其類而狎其謫公蓋豪於酒而聖於詩似憐絳老
之衰下同

李書監

上同共惟其官擅江夏無雙亞杜牧第五一鳴遂為
諸儒之倡小却猶掌四庫之書使之踞泣多岐可登
梯而上矣惟其壁立萬仞迺拂袖而去之似憐絳老
之衰下同

蒲領衛

松栢後凋歲寒乃見櫟樗無用晚暮奚堪極口揄揚
汗顏傳誦敬惟其官幼好奇服自鑄偉詞岐鼓皦碑
剡苔蘚而出湯盤孔鼎勤金石以傳諸公服其終賈
之年一月出於樊孟之上深慕先民之尚齒每為長
者之折枝濃炷寶熏高攀碩果其情荒已久偶儷非
長吾貧乞兒守君子固窮之語公大檀越辦菩提喜
捨之心

見任官

僕拊瓦缶而歌光陰晚客吹洞簫而和音節激昂
極口揄揚汗顏傳誦伏惟其官善養至剡之氣能大

所居之官天時不齊於民怨民咨而必察人情可畏
何公喜公怒之足言謂詔書尚禮於高年若禮樂寧
從於先進觀鄉意古尚蔭義高其孝以屢氓儼於閣
老蘭芽初茁香九畹以皆聞樗木不材蔽十牛而安
用

林秋陳簿陳權糾楊法

老伏波病維摩已濱大耋髯參軍短主簿猶記始生
極口揄揚下同

西教授韓山長

毗耶居士未脫灑於沉痾廣文先生尚記存其初度
揄揚極口登受汗顏伏惟某官如覩躬有道禪似讀
何生蕃傳問絳人甲子虛銷十載之光陰同節老襟
期時與諸儒而斟酌憐其暮景贈以好畝某暫設門
弧永為家珪何時樽酒與太白而細論向來辨香容
后山之田嚮

邵武林倅

上同林 農卿 共惟某官生夾漈比鄰通園山譜系蓋嘗禪
長官古調章水去思不必分刺史真符樵人愛戴無
情公議譽之不置有力貴人挽之者多以憐絳老之
衰下同林農卿

陳尚書

老馬八百價僕以在隕天駟十二閑公真汗血運以
成風之斷華予墮地之辰共惟某官沉酣古書通達
國體為君謨邑子四諫祠于里門作仲尼素臣三傳
束之高閣歷諫大夫而耻屈節遷太常伯而徑拂衣
似憐絳老之衰許入洛英之會灑銀鈞之華翰祝銅
狄之高丰濃炷寶熏高板碩果愛存羊禮登嘉重饗
餐之慙谷弄麈書廢學恐偏旁之誤

諸知縣

門設爵羅都忘初度驛馳駛足惠我好音伏惟某官

缺二葉

後村集卷之三十一

後村集

卷之三十六

後村集